

**TATA IBADAH BAHASA SIMALUNGUN GKPS P. BULAN MEDAN (MODEL D)
II DOB EPIPHANIAS, TOPIK : BAYAK DO NASIAM IBAGAS IA PASAL HAGANUP,
MINGGU, 18 JANUARI 2026**

1. VOTUM-INTROITUS – TONGGO

Paragenda : Riap ma Hita Jongjong!

Ibagas goran ni Naibata Bapa, pakon Tuhan Jesus Kristus ampa Tonduy Na Pansing, Sitompa langit pakon tanoh on. Amen.

Jahowa do Raja. Marsurak-surak ma tanoh on, marmalas ni uhur ma sagala pulou! Ai Ham do, ale Jahowa, Sitimbulan i atas ni sab tanoh on. Gijang tumang do Ham i atas ni sagala naibata (*Psalmen 97:1,9*)

Kuria : (*Mandodingkon: Haleluya No. 302:1*)

Puji hita Naibatanta, puji hita Anak-Niin

Puji hita 'ge Tonduy-Ni, Sitolusada do in.

Haleluya, Haleluya, Sitolusada do in.

P : **Martonggo ma hita!**

Ham Tuhan Naibata Bapanami na i nagori atas. Domma talar bangga ni holong pakon idop ni uhur-Mu bannami marhitei na dob isuruh Ham Anak-Mu na sasada in hu bannamijolma. Buhai Ham ma mata ni haporsayaonnami, ase lambin ididah janah iahapkon hanami bangga ni pambahenan-Mu bannami. Pakei Ham ma goluhnami laho manaksihon janah patalarhon idop ni uhur-Mu in i tongah-tongah ni dunia on, ase lambin tambah na porsaya hubani Anak-Mu Jesus Kristus Tuhannami. Amen
(*hundul kuria*)

2. MANDODING : Hal 472: 1 – 2 " Seng Adong na Dos"

1. Seng adong na dos, songon Ham o Tuhan,
na sai sirsir mangkasomani hanai on.
Pitah Ham tongon, Naibata na sintong,
ganup pambahenan-Mu gok halonganan do.
Sagala bangsa do, na jinadihon-Mu, marsombah roh hu lobei-Mu
Pasangapkon Ham, ronsi sadokahnin, timbul janah pansing do goran-Mu ijin.
2. Sai ajarhon Ham, dalam-Mu bangku on,
ase mardalan au bai hasintongan-Mu.
Sai baluti Ham, uhurhon sai tongtong,
ase marhabiaran bani goran-Mu.
Ai pitah Ham Tuhan, na boi haposankin, bai goluh sidalanankin.
Bokas-Mu nuan, siirikononkin, na gabe suluh bani pardalanankin.

3. HASASAPAN NI DOUSA :

(*Instrument musik volume pelan Hal 355 : "I LobeiMu o Jesus"*)

Paragenda : Riap ma hita jongjong!

Martonggo ma hita, sopotkon hita ma dousanta hubani Tuhan Naibata!

(Paragenda mambasahon sada Tonggo Hasasapan ni Dousa bani halaman 81-84. Dob salpu "Amen", ihatahon Paragenda ma:)

Paragenda : Tangar anjaha haporsayai hita ma Hata ni Naibata, bagah-bagah pasal

hasasapan ni dousa.

(Paragenda mambasahon sada ayat Bagah-bagah Pasal Hasasapan ni Dousa bani halaman 85-87, irik hujai ihatahon Paragenda ma:)

Ibagas holong ni Naibata, domma isasap haganup dousanta. Halani ai, Pataridahkon hita ma tanda-tanda ni pargoluhon na bayu.

Hasangapon ma bani Naibata i babou.

Kuria : Amen

(hundul kuria)

4. MANDODING : Hal 299 : 1-2 " Domma Ihopkop Tuhanku Tonduyhu"

1. Domma i hopkop Tuhanku tonduyhu ase maluah tonduyhu tongtong
Domma isasap Tuhanku dousangu ase manggoluh tonduyhu tongtong
Malas uhurhu megah uhurhu lao pasangapkon Tuhan bai goluhkon.
Nai ma hapeni holongni ateiNi hita pe patut marholong tongtong
2. Domma ipilih Tuhanta ge hita, lao manaksihon holongni tongtong.
Domma isuruh Tuhanta ge hita, lao mangkatahon Hata-Ni tongtong.
Laho ma hita misir ma hita, mangambilankon Tuhan parholong in.
Ase maluah homa hasomanta, gabe manggoluh bai Tuhanta in.

5. SIBASAON : Tangar hita ma Hata ni Naibata na tarsurat bani Psalmen 40: 5-11

(Ibasa sahalak pagorini kuria ma sibasaon humbani hundulanni iujungi "Amen")

Paragenda : Martuah do na manangar Hata ni Naibata anjaha na marimbagashonsi!

Kuria : Amen.

6. MANDODING : Hal 319 : 1 + 2 " Ningon Jesus Hasomanku"

1. Ningon Jesus hasomanku pitah ahu kahou do
Rapkon Jesus boi au monang talu munsuhkin ganup
Seng mabiar au ijin Jesus do hasomankin
Sai irikkononku Jesus balosanku mando in
2. Pitah Jesus hasomanku bani sitarononkin
Sai hu Bani husuhutkon haganup na borat in
Seng mabiar au ijin, Jesus do hasomankin
Sai irikokonku Jesus balosanku mando in

7. HATA HAPORSAYAON:

Paragenda : Riap ma hita jongjong!

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

P+K : Ahu porsaya bani Naibata Bapa, pargogoh na so tarimbang, na manompa langit pakon tanoh on.

Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei Tonduy na

Pansing, na manaron na parngit, bani panorangni si Pontius Latus, iparsilangkon, matei anjaha itanom, turun hu nagori toruh. Mulak manggoluh hambani na matei bani ari patoluhon. Naik hu surga anjaha hundul i siamun ni Naibata Bapa, pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei. Ahu porsaya bani Tonduy Na Pansing, bani Kuria parsadaan na mapansing in, parsahiran ni sagala na mapansing in, bani hasasapan ni dousa, bani parpuhoon ni angkula, pakon bani hagoluhan na sadokah ni dokahni. Amen..(hundul kuria)

8. MANDODING : Hal 327 : 1 – 2 ” Marpangunsandeian bani Tuhan in”

1. Marpangunsandeian bani Tuhan in, puji sai pasangap ma goran-Ni in
Monang halani hatani Tuhan in, mangarapkon parpadanan in
Sai mangarap bani padan ni Tuhanta Jesus Kristus
Sai mangarap ma hita bai partobusan-Ni in
2. Damei do ganupan bani jolma in, Asal ma porsaya bani Tuhan in.
Ai sirsir do hasonangan na tetap Domu bani padan in tongtong.
Sai mangarap bani padan ni Tuhanta Jesus Kristus
Sai mangarap ma hita bai partobusan-Ni in

9. HASAKSIAN : (Pengalaman iman hambani pagori anjaha iujungi ibagas tonggo)

10. MANDODING : Hal 441 ” Sai Gati Holsohan”

*Sai gati holsohan, bai uhurhon ibaen parlajouan in
Ai mardondon do sitaronon roh, margantih soluk do in.*

*Hu Bamu Tuhan martonggo au, sai tangihon Ham ma au on
Seng adong na boi manogu au, pitah Ham hansa tongon.
Na so panagaman megah uhurhin, dob itangihon Ham au.
Ibalosi Ham do tonggokin, marhitei susian-Mu.*

*Sai hupuji Ham halani in, layak-Mu tumang hansa in.
Ai sirsir Ham tongtong ijin, patorsahon goluhkon.
Na so panagaman megah uhurhin, dob itangihon Ham au.
Ibalosi Ham do tonggokin, marhitei susian-Mu.*

11. TINGTING : (Tonggo salpu tingting pitah manonggohon isini tingting tumang)

12. MANDODING : Hal 372 : 1 – 2 ” Sai Pasiat Tuhan Jesus”

1. Sai pasiat Tuhan Jesus, roh hubagas uhurmin,
Tarpaimaima Jesus bogei panuktuk-Ni in,
Sai pasiat Tuhan Jesus, das hubagas uhurmin,
nuan ari paridopan , ulang sompat salpu in.
2. Hamegahon na i tanoh, in do isarihon ho,
pardomuan pakon Jesus, gabe ilupahon ho ,
Sai pasiat Tuhan Jesus, das hubagas uhurmin,
nuan ari paridopan , ulang sompat salpu in.

13. AMBILAN: PSALMEN 40:5-11

P : Mambasa teks iujungi ...amen

K : **Mandoding Hal.18:1**

Hata-Mu ale Tuhanku, arta siharganan ai.

Sai palongkot bai uhurhu, ulang lang hujolom ai.

Anggo seng be sijoloman, Hata na madear in.

Aha ma na baen onjolan, ni haporsayaonkin.

P : Marambilan amen

K : **Mandoding Hal. 332:1**

Hata-Mu ale Tuhan, ondos ma bai uhurhon.

Sai margogoh ma tongon, pabayuhon goluhkon.

Sai patotap uhurhon, mambalosi Ham tongtong.

Sadokah ni goluhkon, hupasangap Ham tongtong.

P : Tonggo dob Ambilan

14. GALANGAN : (*Sarupa pakon Model A*)

P: Paima iondoskon hita galanganta, tangar hita ma lobei hata ni Naibata na gabe onjolan banta laho manggalang aima na tarsurat bani 1 Kronika 29:14: "Ai ise ma ahu, anjaha aha ma bangsangkin, ase boi hanami margugu humbani nionjar ni uhur sonin? Ai marharorohan hun Bamu do ganup, anjaha na humbani tangan- Mu in do na binerenami in Bamu". Sonari ondoskon hita ma galanganta! (diiringi musik/doding)

(Doding sanggah padalan galangan Hal 411:1-2" Diatei Tupa ma Bamu Ham Naibata")

1. Diatei tupa ma bamu Ham Naibata, mambaen tupa humpulannami on
Igomgom Ham do horja nami on torsa, gok malas uhur do hanai ijon
Ibere Ham do damei na tarsulur, sanggah manranggi horja haganup
Nuan hanami rap marmalas uhur, mardingat haganup pambaenan-Mu

2. Ipardimata Ham do tong hanai on Tuhan, ai sorap do Tonduy-Mu in tongtong
Ase torsa mardalan horja ganupan, Kuasa-Mu do in mambaen sintong
Porini dong rundut ni paruhuran, sirsir do Ham manohu hanai on
Ai hata-Mu do tong na pagolpahon, mambaen tapang nuan ganup ijon

15. TONGGO PAKON DODING GALANGAN : (*Sarupa pakon Model A*)

P : Riap ma hita jongjong! Martonggo ma hita mangondoskon galanganta hubani Naibata: Ham Tuhan Naibata Bapanami, harohan ni haganup. Hun Bamu do harohan ni pasu-pasu hu bannami. Ibere Ham do bannami goluh ampa hagoluhan ari-ari. Ham Tuhan, ijon iondoshon hanami do hu Bamu goluh pakon pasu-pasu na dob binere-Mu in bannami. Sai lambin margogoh ma tongon hanami ihasomani idop ni uhur-Mu ampa pasu-pasu-Mu bani na mandalankon horjanami. Papansing Ham ma galangan na ginalangkonnami on gabe galangan na misbou i lobei-lobei-Mu, ase lambin ihargahon hanami tongon dear ni layak pakon pasu-pasu-Mu in marhitei na pasaudhon harosuh-Mu humbani gogoh, pingkiran ampa sinadongannami. Tarima kasih ma Bamu Tuhan. Marhitei Kristus Jesus Tuhannami, jalo Ham ma galangan pakon tonggonami on. Amen.

(Haleluya 12 : 3 Key Eb)

Tonduy, daging uhur ampa gogoh nin,
Ulang bai na sambor, sai Bamu ma in!
Ningon gok Bamu ma au hinopkop-Mu.
Ase saud martuah au jabolon-Mu.

17. TONGGO HAM BAPANAMI : (Sarupa pakon Model A)

P: Ham Bapanami na i nagori atas. Sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami. Ulang hanami bobai Ham hu parlajouan. Paluah Ham ma hanami humbani pangagou.

P+k: (mandodingkon) Ai Ham do simada harajaon, pakon hagogohon, ampa hasangapon sadokah ni dokahni. Amen.

BE-841, AI HAM DO SIMADA HARAJAON
(KARNA ENKKAU PUNYA KERAJAAN)

Es = Do
4 / 4

BE-841
BL-423

S	1	1	.	3	4	5	5	3	4	5	.	5	.
A	5	6	.	1	1	2	<u>5 4</u>	<u>3 2</u>	1	<u>7 1</u>	<u>2 1 7</u>	1	.
T	3	3	.	6	6	7	<u>1 7</u>	<u>5 8</u>	6	<u>2 3</u>	<u>4 3 2</u>	3	.
B	1	6	.	<u>6 5</u>	<u>4 3 2</u>	<u>5 4</u>	<u>3 2</u>	<u>1 7</u>	<u>6 2</u>	5	.	1	.
	Ai	Ham		do	si	ma	da	ha	ra	ja		on	
	Kar	- na		Eng	- kau	pu	- nya	ke	- ra	- ja		- an,	

S	5	5	5	<u>5</u>	1	.	5	.	5	5	5	5
A	3	4	<u>5 1</u>	<u>7 1 2 7</u>	<u>1 3</u>	<u>4 6</u>	5	.	3	4	5	3
T	<u>1 7 6</u>	<u>7 6 5</u>	<u>1 5</u>	<u>2 3 4 2</u>	<u>3 5</u>	<u>6 7 1 2</u>	3	.	<u>1 7 6</u>	<u>7 6 5</u>	1	<u>5 6 8 5</u>
B	1	2	3	5	1	.	1	.	1	2	3	1
	Pa	kon	ha	go	go		hon		am	pa	ha	sa
	dan	ke	- ku	- a	- sa		an,		dan	ke	- mu	- li

S	6	.	3	3	4	4	4	4	3	.	1	.	2	.	.	1	.	.
A	1	<u>2 1</u>	7	7	2	2	2	7	1	.	6	.	6	.	7	.	5	.
T	6	<u>4</u>	8	6	6	6	5	5	5	.	3	.	4	.	.	3	.	.
B	4	2	3	6	2	1	7	5	<u>1 2 1 7</u>	<u>6 5 4 3</u>	2	.	<u>3 4</u>	5	.	1	.	.
	nga	pon	sa	do	kah	ni	do	kah	ni		A		A			men		
	a	- an,	sam-pai	sla	- ma	la	- ma	- nya,	A		A		-			min.		

18. PAINGKATKON

P. Laho ma nasiam, janah "Hupabangkit do hanima, ase laho hanima marbuah, anjaha ase totap buahnima ai, ase ibere bannima sagala sipindoonnima humbani Bapa in marhitei goran-Ku" (Johannes 15:16)

19. PASU-PASU

P. Jalo ham (hita) ma pasu-pasu humbani Tuhan Naibatanta:

Ipasu-pasu anjaha iparorot Tuhan Naibata ma ham (hita). Isondangkon Tuhan Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakkon Tuhan Naibata ma bohi-Ni hu bamu (hu banta) janah ipasorap ma damei-Ni bani tonduytu (tonduyta bei). Amen.

P+K. Amen, Amen, Amen!. (mandodingkon)